



АРХИТЕКТУРА ИНСТИТУТЛАРИ ФАОЛИЯТИ ТАКОМИЛЛАШТИРИЛАДИ

27 сентябрь куни Президент Шавкат Мирзиёев ҳузурида архитектура-қурилиш соҳасида кадрлар тайёрлаш тизимини такомиллаштириш чора-тадбирлари бўйича тақдимот ўтказилди.

Сўнгги йилларда мамлакатимизда бунёдкорлик қўлами ошди, қурилишда мураккаб технологик ечимлар қўлланилмоқда, лекин соҳа бўйича таълим ва илм бундан анча ортда қолмоқда. Институтлардаги ўқув дастурлари эскирган. Ўқитиладиган фанлар сонини чет элдан ҳам қўп, бироқ сифати ундай эмас. Таълим жараёнига амалиётчи мутахассислар етарли даражада жалб этилмаган. Замоनावий фикрлайдиган инженер-конструкторлар етишмаяпти.

Шу йил 6 июль куни ўтказилган видеоселектор йиғилишида давлатимиз раҳбари бу масалага алоҳида тўхталиб, соҳадаги олий таълим муассасаларини трансформация қилиш зарурлигини айтган эди.

Тақдиротда Тошкент ҳамда Самарқанддаги архитектура институтларининг ўқув дастурларини ислоҳ қилиб, таълим сифатини халқаро даражага олиб чиқиш чора-тадбирлари муҳокама қилинди.

Мутасаддилар мазкур институтларнинг ўқув дастурларини халқаро аккредитациядан ўтказиш, янги факультетлар ташкил этиш, таълим ва ишлаб чиқаришни уйғунлаштириш, илмий фаолиятни такомиллаштириш режаларини баён қилди.

Президент бу таклифларни маъқуллаб, устувор вазифаларни кўрсатиб ўтди. Аввало, бакалавр йўналишлари сонини қайта кўриб чиқиб, фанларни замоनावий шахарсозлик ва технологияларга мослаштириш зарурлиги таъкидланди. Ўқитувчилар учун малака талаблари ва битирувчиларнинг компетенцияларини ошириш бўйича тавсиялар берилди.

Институтларга хорижий тажрибага эга малакали мутахассисларни жалб этиш, шунингдек, маҳаллий профессор-ўқитувчиларни чет элга илмий стажировкага юбориш муҳимлиги қайд этилди. Бу борада Тошкент архитектура-қурилиш институти

Истанбул техника университети билан, Самарқанд давлат архитектура-қурилиш институти Йилдиз техника университети билан таълим ҳамкорлигини йўлга қўяди.

Таълим ва амалиёт уйғунлигини таъминлаш мақсадида ҳар бир кафедрага ишлаб чиқарувчи корхоналарни бириктириш, институтлар ҳузурида технопарк ва инкубация маркази ташкил этиш бўйича кўрсатма берилди. Уларда энергиятежамкор қурилиш материаллари яратиш, етакчи компаниялар билан маҳорат дарслари ва амалий тренинглари ўтказиш, илмий-тадқиқот натижаларини тижоратлаштириш мумкин бўлади.

Шунингдек, илғор муҳандислик билмлари асосида илмий ва илмий-педагогик кадрлар тайёрлайдиган Олий илм-фан мақтаби ташкил этилиши белгиланди.

Институтлар ҳузуридаги академик лицейларни ҳам такомиллаштириб, A-level даражасидаги ўқув дастури ва методикасини жорий этиш зарурлиги қайд этилди.

ЎЗА

ЖАМИЯТИМИЗНИНГ ЯНГИ ҚИЁФАСИ

Агар давлат таянадиган асосий устун қонун бўлса, унинг кучини амалда намоён этадиган энг самарали тизим бу — ички ишлар соҳаси, десак аини ҳақиқат бўлади.

Шавкат МИРЗИЁЕВ,
Ўзбекистон Республикаси Президенти

ХАЛҚЧИЛ ТУЗИЛМАДА ҲАҚИҚИЙ ВАТАНПАРВАРЛАР ЖАМЛАНАДИ

Президентимиз Шавкат Мирзиёев раҳбарлигида халқчил ва демократик тамойилларга асосланган Янги Ўзбекистонни барпо этиш йўлида дадил илдамлаяпмиз. “Халқ давлат идораларига эмас, давлат идоралари халқимизга хизмат қилиши керак”, деган тамойилни амалда қарор топтириш мақсадида барча жабҳаларда кенг қамровли ислохотлар изчил давом эттирилмоқда. Бунинг амалий натижаларига барчамиз гувоҳимиз.



Шу ўринда бундан 6-7 йил олдинги даврларни эсласак. Ўша пайтлари одамлар, айниқса, вилоятлардан пойтахтга келган юртдошларимиз ички ишлар органларига нисбатан жазоловчи идора сифатида қараб, формали ходимлардан иложи борича ўзини олиб қочишга, мулоқотга киришмаслик пайида бўларди. Чунки улар пропискани йўқлиги учун ҳуқуқбузар сифатида жаримага тортилиши ёки бошқа чоралар кўрилишидан қўчирди. Ходимлар ҳам фуқаролар билан буйруқ оҳангида сўзлашар, “мен орган одамиман, айтганим айтган, деганим деган”, қабилида муомала қиларди.

▶ Давоми 3-бетда



ШАРҲ

АҲОЛИ ВА ҲУДУДЛАР МУҲОФАЗАСИ

тинч ва фаровон ҳаётимизнинг муҳим асоси

Мамлакатимизда кечаётган бугунги улкан ўзгариш ва янгиланишлар даврида, аввало, инсон ҳуқуқларини ҳимоя қилиш ҳамда халқимиз манфаатларини кўзлаган ислохотларни амалга ошириш бирламчи, энг муҳим вазифалардан ҳисобланади.

Юртимизда шахс эркинлигини таъминлаш, шу жумладан, аҳоли ва ҳудудларни фавқулодда вазиятлардан муҳофаза қилиш, ушбу ҳолатларнинг рўй бериш хавфини имкон қадар камайтириш, бундай вазиятлар юзга

келган тақдирда одамларнинг ҳаётини асраб қолиш ва соғлигини сақлаш борасида амалга оширилаётган тадбирлар алоҳида эътирофга сазовор.

▶ Давоми 4-бетда

МУНОСАБАТ

ЭНГ ТЕЗ ЎСАЁТГАН ДРАЙВЕР ТАРМОҚ



Ҳар бир соҳа ёки тармоқ ривожини бозор талаби, истеъмолчи эҳтиёжи белгилайди. Шу жиҳатдан, бугун электротехника саноатини энг зарур ва тез ривожланаётган соҳалар қаторига қўшиш мумкин. Кисқа вақтда электр ва электротехника воситалари замоनावий цивилизация ҳаётига жадал кириб борди. Қундалик ҳаётимиздаги маиший техникалардан тортиб, йирик саноат ишланмалари, электромобилларгача — бариға кун сайин талаб ортиб борапти.

Саноатда амалга оширилаётган модернизация натижалари ҳам электротехника тармоғининг ўзгаришига туртки бўлди. Буни охириги беш йилда юртимиз электротехника саноатида ишлаб чиқариш ҳажми 4,5 баробар ўсганида ҳам кузатиш мумкин. Муҳими, соҳадаги юқори ўсиш кўрсаткичларини одамлар ўз

ҳаётида сезяпти. Электротехника бозорига ўзимизда ишлаб чиқарилган маҳсулотлар қўлайлиги баробарида, уларнинг сифати ҳам ортиб бораётгани аини мудоао. Бу тармоқдаги тадбиркорлар учун хориж давлатлари бозорига йўл очиб берапти.

▶ Давоми 2-бетда

ИНСОН ҚАДРИ УЧУН

ЖИЗЗАХ: ЮКСАЛИШ САРИ ЙЎЛ

“Инсон қадри учун” тамойили асосида халқимиз фаровонлигини янада ошириш, иқтисодий тармоқларини трансформация қилиш, тадбиркорликни жадал ривожлантириш ҳамда фаол фуқаролик жамиятини шакллантиришга қаратилган ислохотлар Жиззах вилоятида амалга оширилаётган эзгу ишларга ҳам қанот бўлмоқда. Бинобарин, бугун бошқа ҳудудлар қаторида вилоятнинг шахару қишлоқлари ҳам мисли қўрилмаган даражада обод бўлиб, Жиззахнинг замоनावий қиёфаси жадал ўзгариб борапти. Уч-тўрт йил Жиззахда бўлмаган одам бугун нафақат вилоят марказини, балки туманларни ҳам танимай қолаётгани бор гап. Чунки вилоятнинг барча ҳудудлари том маънода бунёдкорлик майдонига айланган. Турар жой, маъмурий ва хизмат кўрсатиш каби замоनावий бинолар, боғлар, хиёбонлар барпо этиш ишлари кенг қулоч ёйган.

Президентимизнинг 2021 йил 9 ноябрдаги видеоселектор йиғилишида ҳудудларда “Янги Ўзбекистон” массивлари ҳамда “Янги Ўзбекистон” боғини умумлашган ҳолда барпо этиш бўйича берган топшириғига биноан Шароф Рашидов туманидаги Оқтош маҳалласининг “Тошкент — Термиз” автомагистрал йўли ёқасидан ер майдони танланиб, қурилиш ишлари бошлаб юборилди. Тез орада бу ер Жиззахнинг энг гавжум ва чиройли манзилларидан бирига айланади.

— Жорий йилда ҳар бири 80 хонадонли 14 та, жами 1120 хонадонга мўлжалланган 16 қаватли турар жой

биноси янги тизим асосида бунёд этилмоқда, — дейди вилоят қурилиш бош бошқармасининг назорат бўйича инспектори Шухрат Дунгалов. — Умуман, бу йил вилоятимизнинг 9 та мас-сивида 44 та кўп қаватли уй-жой қурилиб, фойдаланишга топширилади.

Утган йили 80 миллиард сўмлик 16 та кўп қаватли уй-жой барпо этилиб эгаларига топширилди. Жорий йилда “Обод қишлоқ” дастури доирасида 228,2 миллиард сўмлик 4036 та яқка тартибдаги аҳоли уйлари ва кўп қаватли турар жой бинолари таъмирланади.

▶ Давоми 4-бетда

Баҳор ХИДИРОВА,
“Янги Ўзбекистон” мухбири

